

les mauuais. Et saint pol l'apostre dit en l'epistre aux romains que le iuge ne porte pas le glaiue sans cause mais le porte pour pugnir les mauuais et pour deffendre les preudomes. Se tu veulx doncques auoir vengance de tes ennemis tu recourras au iuge qui a la iurisdiction sur eulx et il les punira selon droit et encozes silz ont deserui en eulx auoir en tel maniere quilz demouront pures et viuront a hôte. De dit melibee ceste vengance ne me plaist point ie regarde que fortune ma nourri de mesace et ma aidie a passer moult de fors pas ie la vueil maintenant essayer et croy a layde de dieu quelle maidera a vengier ma hôte.

Qertes dist prudence se tu veulx ouurer de mon conseil tu ne essaieras point fortune ne ne tapoieras a elle. Car selon le dit de seneque. Les choses se font solemet qui se font en esperance de fortune. Car fortune est come verriere qui de tat comme elle plus clere et plus resplendissant de tant elle est plus tost brussee et pource ne ty fies point car elle nest point estable et la ou tu cuyderas estre plus seur de sayde elle te fauldra. Et car tu dis que fortune ta nourry des tenfance ie te dy que de tant tu te dois moins fier en elle et en ton sens. Car seneque dit que celui que fortune nourryt trop elle le fait fol. Puis que doncques tu demandes vengance et la vengance qui se fait selon lordre de droit et deuant le iuge ne te plaist et la vengance qui se fait en l'esperance de fortune est perilleuse et nest pas certaine tu nas remede fors que recourre au souuerain et vray iuge qui venge toutes villenies et iniures et il te vengera selon ce q il meismes tesmoigne. A moy dist il laisse la vengeance et ie la feray. Melibee respondit Se ie dist il ne me venge de la villenie que lon ma faicte ie semodray ceulx qui la mo faicte et tous aultres a moy faire vne aultre nouvelle villenie. Car il est escript. Se tu seuffres sans vengier la villenie tu semods a la nouvelle. Et ainsi pour mo souffrir lon me fera tat de villenies de toutes pars que ie ne les pourray souffrir ne porter ains seray au bas du tout en tout. Car il est escript. En moult souffrant tauiedront prou de choses que souffrir ne pourras.

Qertes dist prudence ie tauoye dit que trop grat souffrance nest bonne mais pource ne sensuyt pas que de chascune personne qui ta fait iniure tu preignes vengance. Car ce appertiet es iuges tat solemet car ilz ne doiuent pas souffrir que les villenies ne soyent vengies. Et pource les deux auctorites que tu as mis auat sont entedues tat solemet des iuges que quat ilz seuffret trop faires les villenies sans punicion ilz ne seismouiet pas tat solemet faire les nouvelles villenies mais les comadet. Ainsi le dit vng sage. Le